

Sarkina Bt Mat Saad @ Shaari

From: Unit Komunikasi Korporat
Sent: Monday, August 6, 2018 4:06 PM
To: UUM - All Staff; UUM - All Students
Subject: Universiti Tidak Mengejar Ranking Untuk Jadi Yang Terbaik



6 OGOS 2018 / 24 ZULKAEDAH 1439H

=====

"UUM : UNIVERSITI PENGURUSAN TERKEMUKA"
(*THE EMINENT MANAGEMENT UNIVERSITY*)

Oleh: Nordiana Shafiee

Gambar oleh: Muhammad Shamsul Shafie

UNIVERSITI TIDAK MENGEJAR RANKING UNTUK JADI YANG TERBAIK



UUM ONLINE: "Kita tidak gila mengejar ranking semata-mata untuk dikenali dunia, sebaliknya gila untuk memastikan UUM menjadi sebuah universiti terbaik," ujar Naib Canselor, Prof Dato' Seri Dr Mohamed Mustafa Ishak ketika mempengerusikan Mesyuarat Pembentangan Pencapaian Suku Kedua (Jan-Jun) Pelan Strategik Fasa II 2018 di Bilik Mesyuarat Senat, hari ini.

Beliau berkata, ranking adalah *outcome* yang menjadi penanda aras untuk mencapai pelbagai pra-syarat bagi menjadi sebuah universiti yang baik.

Katanya, ia bukan sekadar nombor tetapi ia berkaitan bagaimana untuk menjadikan universiti yang baik dan dikenali bukan sahaja di peringkat nasional tetapi dunia.

"Justeru, kita mesti ada keserjanaan, perlu ada penyelidikan dan penerbitan di peringkat antarabangsa, reputasi akademik, reputasi pekerja terdiri graduan UUM.

"Kita tidak mahu hanya menjadi jaguh kampung, universiti ini perlu menarik lebih ramai sarjana luar negara bukan semata-mata untuk menjana pendapatan..semua ini menjadi kriteria penting jika mahu menjadi sebuah universiti yang baik dan secara tidak langsung ia membantu dalam ranking," katanya.

Pada mesyuarat itu juga, beliau turut menekankan tentang bidang penerbitan dan penyelidikan yang perlu ditingkatkan lagi, selain setiap Pusat Tanggungjawab (PTJ) harus mempunyai Pusat Kecemerlangan (CoE) dengan memfokuskan kekuatan masing-masing.

Menurutnya, apabila universiti berjaya melaksanakan usaha-usaha itu akan membolehkan UUM mendapat kepercayaan sebagai universiti yang terbaik apabila berada dalam kedudukan baik.

Pencapaian suku kedua itu telah dibentangkan Pengarah Institut Pengurusan Kualiti (IPQ), Prof Dr Nor Aziah Abd Manaf berdasarkan empat teras dalam Pelan Strategik iaitu Teras 1 (Mempertingkatkan Keserjanaan dan Pengantarabangsaan); Teras 2 (Pembangunan Modal Insan dan Pengurusan Bakat); Teras 3 (Membangun Mahasiswa Secara Holistik) dan Teras 4 (Menjana Kekayaan).

Sebanyak 198 Petunjuk Prestasi (PI) telah dibentangkan dan daripada jumlah tersebut, 85 (43%) PI telah mencapai indikator hijau, sembilan (9) peratus berwarna kuning, 32 peratus berwarna merah dan 16 peratus berwarna hitam.

Prof Dr Nor Aziah turut membentangkan prestasi 17 pusat pengajian yang mana tiga pusat pengajian berada di kedudukan teratas dengan mencapai indikator berwarna hijau iaitu Pusat Pengajian Pendidikan dan Bahasa Moden (SEML) dengan PI sebanyak 41.89 peratus, diikuti Pusat Pengajian Pengurusan Teknologi dan Logistik (STML) sebanyak 40.96 peratus dan Pusat Pengajian Antarabangsa (SOIS) mencapai PI sebanyak 39.47 peratus.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
04-928 3048/3049/3052/3061
04-928 3053
ukkuum@uum.edu.my
Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.